


Simeoni: «Jendeak nahastu egiten ditu krisi mundiala eta Maastricht» / 7



Vargas: «CESIDek ez du inolako loturarik entzuketarekin» / 14



Ieltsinek ez du nahi Eki Europako estatuak NATOn sartzerik / 16

EUSKALDUNON

Egunkaria

Ostirala, 1993ko abenduak 10 / IV. urtea / 934. zenbakia / Salneurria: 100 pta. / 5,5 libera

ANTZERKIA

Agerre Teatroaren estreinaldia gaur

Peñafloridako kondearen 'El borracho burlado' antzezlanaren estreinatuko du gaur Maite Agirrek zuzentzen duen Agerre Teatroak Donostian. / 23

Indarkeria giroa larriagotu egin da Algerian azken egunotan

Azken 48 orduetan 29 lagun hil dira gutxienez Algerian. Poliziaren eta talde islamisten arteko borroketan 11 islamista eta bi polizia hil ziren atzo eta herenegun. Gairotzeko biktimak talde islamista armatuen erasoetan hil ziren. Hilabete honetan, gainera, lau atzeritar ere hil dituzte Algeriako islamistek. / 18

Errenta politikaz «konpromezuak» hartu nahi ditu Jaurlaritzak

1997an langabezia % 24,1era helduko dela aurrikusten duen plana onartu zuen atzo Jaurlaritzak. Epe Ertainerako Plan Ekonomikoan zehazten duenez, Jaurlaritzak ezinbestekotzat du errenta politikari eta enpleguaren banaketari buruz EAEko gizarte nahiz ekonomi eragileekin «konpromezuak» hartzea. / 12

Laguntza banatzen hasi da Spliten Nairobitarra espedizioa

Nairobitarra autobusean Tolosatik (Gipuzkoa) abiatutako espedizioa laguntza humanitariora banatzen hasiak dira Spliten (Kroazia), joan den asteartean bertara heldu ondoren. Bidaiaren helburu nagusiak bete eta gero, Nairobitarren datarren igandean helduko dio Euskal Herrirako bide luzeari. / 9

Belgikako epaia ezin da Europako Batasunean eman Gonzalezek dioenez

Bellochen ustez «benetako arazoa» asilo politikorako eskaeraren aztertzea da

Felipe Gonzalez Espainiako Gobernuak lehendakariak atzo adierazi zuenez, Raquel Garcia eta Luis Moreno aske utzi dituen Bruselako Auzitegiaren epaia ezin da Europako Batasunaren barruan eman, herrien arteko lana oztopatzen duelako. ETAko laguntzaile izatea leporatzen dieten bi gazteak aske uztearen aldeko epaia gogor kritikatu zuten atzo, besteak beste, Espainiako Justizia ministroak eta Entzutegi Nazionalako lehendakariak nahiz fiskalak.

Auzitegiaren sententziaren aurrean Espainiak «gogor erreakzionatu» beharko duela esan zuen Juan Alberto Belloch Justizia ministroak, baina garrantzi handiagoa eman zion asilo politikorako eskaera aztertzeari. Bellochen iritziz, «benetako arazoa» Garcia eta Morenoren asilo eskaera onartzean datza, bere esanetan EBren esparruan gertatzen den lehen aldia baita.

Clemente Auger Entzutegi Nazionalako lehendakariak eta Eduardo Fungairiño fiskalak ere gogor kritikatu zituzten Auzitegiaren epaia eta asilo eskaeraren tramitazioa. Augerren esanetan, «Europako Batasuneko herritar baten kasuan ezin da ezta tramitazio onartu ere egin». / 5



OLALDE

Elkarlana sendotzeko borondatea

Madrilgo eta Gasteizko Barne sailek «orain arteko» elkarlanari eutsi eta «ahal izanez gero sendotu» egingo dutela adierazi zuen Antoni Asuncion Espainiako Barne ministroak atzo Gasteizen, Jose Antonio Ardanza lehendakaria, Juan Maria Atutxa Barne sailburua eta Rafael Vera Seguritasunerako Estatu idazkariarekin egindako bileraren ostean. Goizean, EAEko hiru gobernadore zibilekin eta Goardia Zibileko eta Poliziako arduradun nagusiekin bildu zen Asuncion Donostian. / 4

Akordioaren epea betetzeko itxaropena agertu dute Arafatek eta Peresek Granadan

Gaza-Jeriko akordioa, hitzartu bezala, datorren astelehenean indarrean jartzeko itxaropena agertu zuten Iasser Arafat PAEko lehendakariak eta Simon Peres Israelgo Atzerri ministroak, atzo Granadan (Andaluzia) egin zuten bileran. Lekuko izandako Javier Solana Espainiako Atzerri mi-

nistroak adierazi zuenez, asteleheneko epea betetzeari beharrezko iritzizioten biek. Denadela, Yitzhak Rabin Israelgo lehen ministroak Arafatek epea atzeratzeko eskaria egin diola jakin zen atzo. PAEk, bestalde, Israelgo tropen erretiratzeari astelehen honetan ekitea exigitzen zuen

agiria plazaratu zuen atzo bertan.

Bitartean, tentsioa eta indarkeria giroa nagusi zen Lurralde Okupatuetan, Intifadaren seigarren urteurrenean. Kolono juduek palestinar bat hil zuten tiroz Zisjordanian, eta palestinar bik labankadaz zauritu zuten emakume israeldar bat Gazan. / 17

BESTERIK

P O L I T I K A

'Egin-en' aldeko manifestaziora deitu du Hitzegin plataformak / 6

K U L T U R A

Sigfrido Kochen argazkien erakusketa / 26